



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

VI. Papst Innocenz IV. bestätigt dem Kloster Neuendorf seine Besitzungen
und ertheilt ihm mancherlei Vergünstigungen, am 12. Juli 1246.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

V. Die Markgrafen Johann und Otto verkaufen dem Kloster Neundorf das Dorf Bobelitz, im Jahre 1240.

Johannes et Otto, dei gratia marchiones Brandenburgenses, universis Christi fidelibus tam presentibus quam futuris salutem in domino. Quum eas, que per nos fiunt, ratas esse volumus actiones, in scriptis ad posteros transmittimus, ne id oblivione dubium fiat vel irritum, quod provida deliberatio procuravit. Notum igitur esse volumus omnibus presentem paginam inspecturis, quod villam Pobelitz vendidimus ecclesie beate Marie in Nigendorpe pro L marcis, eidem ecclesie cum omni jure in perpetuum conferentes. Ne autem super his cuiquam in posterum generetur ambiguitas, ea, que dicta sunt, sigillorum nostrorum duximus munimine roborari. Testes hujus sunt comes Conradus de Rhegenstein, W. de Soltwedele, Johannes Gans, H. de Angern, Gerardus de Kerchou, Fridericus de Kare, Hartmot de Breuiz, Wilkinus de Tornou. Acta sunt hec anno gratie M. CC. XL.

(Orig. fehlt. — Auch Reichard hat diese Urkunde nicht.) Aus Gercken's Dipl. vet. M. II, S. 75 „ex copiaris saec. XV.“ — Befm. 107.

VI. Pappi Innocenz IV. bestätigt dem Kloster Neundorf seine Besitzungen und ertheilt ihm mancherlei Vergünstigungen, am 12. Juli 1246.

Innocentius episcopus, servus servorum dei, dilectis in Christo filiabus, abbatisse monasterii S. Marie virginis in Niendorp ejusque sororibus tam presentibus quam futuris regularem vitam professis. Religiosam vitam eligentibus apostolicum convenit adesse presidium, ne forte cujuslibet temeritatis incursum aut eas a proposito revocet aut robur, quod absit, sacre religionis enervet. Eapropter, dilecte in Christo filie, vestris justis postulationibus clementer annuimus et monasterium S. Marie virginis in Niendorp Albertstadenfis diocesis, in quo divino estis obsequio mancipate, sub beati Petri et nostra protectione suscipimus et presentis scripti privilegio communimus. Inprimis liquidem statuentes, ut ordo monasticus, qui secundum domini (deum) et beati Benedicti regulam atque institutionem Cisterciensium fratrum a vobis post concilium generale susceptam in eodem monasterio institutus esse dinoscitur, perpetuis ibidem temporibus inviolabiliter observetur. Preterea quascunque possessiones, quecunque bona idem monasterium in presentiarum juste ac canonice possidet aut (ac) in futurum concessione pontificum, largitione regum vel principum, oblatione fidelium seu aliis justis modis prestante domino poterit adipisci, firma vobis et eis, qui vobis successerint, et illibata permaneant. In quibus hec propriis duximus exprimenda vocabulis. Locum ipsum, in quo prefatum monasterium situm est, cum omnibus pertinentiis suis. Quinquaginta mansos terre in Niendorp cum molendino ejusdem loci et omnibus pertinentiis suis. Quinquaginta mansos terre in Bobelitz (Bobelitz) cum pertinentiis eorundem. Quinque mansos terre in Hodicesdorp (Hoddendorpp) cum pertinentiis suis. X mansos terre cum pertinentiis eorundem, quos habetis in territorio de Selechowe (Selchow). Annuum redditum XX solidorum Stendaliensium, quos habetis in villa

de Borghftal (Borchftall). II choros filiginis, quos annuatim percipitis in villa de Stenvelde (Stenfelde), et filvam, quam habetis in villa de Selechow (Selchow) cum pratis et vineis, terris, nemoribus, ufuagijs et pascuis in bosco et plano, in aquis et molendinis, in viis et semitis et omnibus alijs libertatibus et immunitatibus suis. Sane novalium vestrarum, que proprijs manibus aut sum ptibus colitis, de quibus aliquis hactenus non percepit, sive de ortis, virgultis et piscationibus vestris seu de vestrarum animalium nutrimentis nullus a vobis decimas exigere vel extorquere presumat. Liceat quoque vobis personas liberas et absolutas e seculo fugientes ad conversionem recipere ac eas absque contradictione aliqua retinere. Prohibemus insuper, ut nulli fororum vestrarum post factam in monasterio vestro professionem fas sit sine abbatisse sue licentia de eodem loco discedere, discedentem vero absque communium litterarum vestrarum cautione nullus audeat retinere, illud districtius inhibentes, ne terras seu quodlibet beneficium monasterio vestro collatum liceat alicui personaliter dari sive alio modo alienari absque consensu totius capituli vel majoris aut sanioris partis ipsius. Si que vero donationes aut alienaciones aliter quam dictum est facte fuerint, eas irritas esse censemus. Insuper auctoritate apostolica inhibemus, ne ullus episcopus vel quelibet alia persona ad sinodos vel conventus forenses vos ire vel iudicio seculari de vestra propria substantia vel possessionibus vestris subjacere compellat, nec ad domos vestras causa ordines celebrandi, causas tractandi vel aliquos conventus publicos convocandi venire presumat. Nec regularem electionem abbatisse vestre impediat aut de instituenda vel removenda ea, que pro tempore fuerit, contra statuta Cisterciensis ordinis se aliquatenus intromittat. Pro consecrationibus vero altarium vel ecclesiarum sive pro oleo sancto vel quolibet ecclesiastico sacro nullus a vobis sub obtentu consuetudinis vel alio modo quicquam audeat extorquere, set hec omnia vobis gratis episcopus dioecesanus impendat. Alioquin liceat vobis, quemcumque volueritis catholicum adire antistitem gratiam et communionem apostolice sedis habentem, qui nostra fretus auctoritate vobis quod postulat impendat. Quodsi sedes dioecesani episcopi forte vacaverit, interim omnia sacra ecclesiastica a vicinis episcopis accipere libere et absque contradictione possitis, sic tamen ut ex hoc in posterum proprio episcopo nullum prejudicium generetur. Quia vero interdum proprii episcopi copiam non habetis, si quem episcopum romane sedis, ut diximus, gratiam et communionem habentem et de quo plenam noticiam habeatis, per vos transire contigerit, ab eo benedictionem monialium, vasorum et vestium et consecrationes altarium auctoritate apostolice sedis recipere valeatis. Porro si episcopi vel alii ecclesiarum rectores in monasterium vestrum vel personas inibi constitutas suspensionis, excommunicationis vel interdicti sententiam promulgaverint, sive etiam in mercenarios vestros pro eo, quod decimas, sicut dictum est, non persolvitis, sive aliqua occasione eorum, que ab apostolica benignitate vobis indulta sunt, seu benefactores vestros pro eo, quod aliqua vobis beneficia vel obsequia ex caritate prestiterint vel ad laborandum adjuverint in illis diebus, in quibus vos laboratis et alii feriantur, eandem sententiam protulerint, ipsam tanquam contra sedis apostolice indulta prolatam decernimus irritandam. Nec littere ille firmitatem habeant, quas tacito nomine Cisterciensis ordinis et contra indulta apostolicorum privilegiorum constiterit impetrari. Preterea cum commune interdictum terre fuerit, liceat vobis nichilominus in vestro monasterio exclusis excommunicatis et interdictis divinis officiis interesse. Paci quoque et tranquillitati vestre paterna in posterum sollicitudine providere volentes auctoritate apostolica prohibemus, ut infra claufuras locorum seu grangiarum vestrarum nullus rapinam vel furtum facere, ignem apponere, sanguinem fundere, hominem temere capere vel interficere, seu violentiam audeat exercere. Preterea ejus libertates et immunitates a predecessoribus nostris, Romanis pontificibus, ordini vestro concessas necnon libertates et

exemptiones secularium exactionum a regibus et principibus vel aliis fidelibus rationabiliter vobis indultas auctoritate apostolica confirmamus et presentis scripti privilegio communimus. Decernimus ergo, ut nulli omnino hominum liceat prefatum monasterium temere perturbare aut ejus possessiones auferre vel ablatas retinere, minuere seu quibuslibet vexacionibus fatigare, sed omnia integra conserventur earum, pro quarum gubernacione ac sustentacione concessa sunt, usibus omnimodis profutura salva sedis apostolice auctoritate. Si qua igitur in futurum ecclesiastica secularive persona hanc nostre constitucionis paginam sciens contra eam temere veniens temptaverit, secundo tertiove commonita nisi reatum suum congrua satisfacione correxerit, potestatis honorisque sui careat dignitate reamque se divino judicio existere de perpetrata iniquitate cognoscat et a sacratissimo corpore ac sanguine dei et Domini redemptoris nostri Jesu Christi aliena fiat atque in extremo examine districte subjaceat ultioni. Cunctis autem eidem loco sua jura servantibus sit pax domini nostri Jesu Christi, quatenus et hic fructum bone actionis percipiant et apud districtum judicem premia eterne pacis inveniant. Amen.

Ego Innocentius, catholice ecclesie episcopus f., Ego Petrus, tit. S. Marcelli presbiter, Cardinalis f., Ego fr. Johannes, tit. S. Laurentii in Lucin. (?) presbiter, Card. f., Ego fr. Hugo, tit. S. Sabine presbiter, Card. f., Ego Otto (Odo), Portuensis et S. Ruffinensis episcopus f., Ego Petrus, Albanensis episcopus f., Ego Wilhelmus, Sabinensis episcopus f., Ego Egidius, SS. Cosme et Damiani diaconus, Card. f., Ego Octavianus, S. Marie in via lata diac., Card. f., Ego Petrus, S. Georgii ad velum aureum diac., Card. f., Ego Johannes, S. Nicolai in carcere Tulliano diac., Card. f., Ego Wilhelmus, S. Eustachii diac., Card. f.

Datum Lugduni, per manum magistri Martini, S. Romane ecclesie vicecancellarii, IV. Idus Julii in die Leonis IV. (quarto statt quarti?), incarnationis dominice anno M. CC. XLVI., pontificatus vero domini Innocentii pape III. anno quarto.

Das Original ist im Provinzial-Archiv zu Magdeburg nicht vorhanden, wohl aber eine Abschrift des 13. oder 14. Jahrhunderts, an der das Siegel der Abtissin des Klosters hängt, wie an Urk. VII.; außerdem auch ein Transjumpt vom Jahre 1490, dessen geringfügige Abweichungen hier in () angegeben sind. — Bsm. 107.

VII. Das Kloster Neudorf giebt die Vetwener Mark den Bauern von Volenscher in Erbpacht, im Jahre 1251.

A., dei gratia abbatissa, et H., prepositus in Niendorp. Notum sit omnibus presentem literam inspecturis, quod nos campum Vetwene*) civibus de Volenschere sub annua pacta quinque cororum, prout in litteris super hoc conscriptis continetur, concessimus excolendum, quos coros in omnem eventum nobis fide data in perpetuum in solidum persolvere promiserunt, preterquam si dictam villam (sic) Volenschere propter principis terre generale bellum penitus destrua-

*) In gleichzeitiger Aufschrift de campo vetuene.